



## Future-proofing our children

Sekolo sa tshipi 2

Setlhogo

Jeso o re ruta go rapela

Mokaedi wa batsadi  
Sekolo sa Tshipi ithutelo lapeng



## Go Motsadi

O amogelesegile mo “**Jeso o re ruta go rapela**” Thuto ya sekolo sa tshipi.

Mokwalo o o go fa thutuntsho e potlana gore o ka ruta jang thuto e

O ka ipaakanya le go ruta thuto e jang

Fa tlase ke maele a go ipaakanya le go ruta thuto e

| Kgato | Tiriso                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                           |
|-------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1.    | <p>Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp:</p> <p><a href="https://bit.ly/3NACSSHS">https://bit.ly/3NACSSHS</a></p>                                                                                                                                                                                                                                                                                                                                                                                                                                                                                                                                                                                                                                                                                                                                                                                                  |
| 2.    | <p>Kgobokanya di dirisiwa tse di latelang go netefatsa fa o ipaakanyeditse thuto e:</p> <ul style="list-style-type: none"> <li>• Baebele</li> <li>• Mokwalo wa thuto wa PDF o o setseng o baakantswe.</li> <li>• Pena, metako le lekwalo la ngwana, etc.</li> <li>• Setshwantsho sa motshikhinyego se se leng thuso e nngwe</li> <li>• Katakasima le Dipotso le dikgarabo (bogolo jang ban aba sekolo sa Tshipi)</li> </ul> <p><b><i>Ela tlhoko:</i></b></p> <p>2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo.</p> <p>2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wa gago botoka! <i>Tirelo ya sekolo sa tshipi ga e hete metsotso e 45 .</i></p> <p>2.3: Thuto e lebaganye (Bana ba sekolo sa Tshipi).</p> <p>2.4: O ka kopa thuso mo morutabana wa gago wa sekolo sa tshipi fa o tlhoka thuso.</p> |
| 3.    | <p>Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.</p>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                             |



|    |                                                                                                                                                   |
|----|---------------------------------------------------------------------------------------------------------------------------------------------------|
| 4. | <p>Dira seemo se se siameng, se se senang dikgoreletsi se wena le bana/ngwana le leng fa go tshwanang.</p> <p><b>Sekai:</b> Nnang mo phateng.</p> |
| 5. | <p>Bala thuto. E bale gape gore o e tlhaloganye.</p> <p>Lebelela setshwantsho sa motshikinyego go re o tlhaloganye botoka.</p>                    |
| 6. | <p>Kwala dintlha tsa botlhokwa tse o batlang go di gakologelwa.</p>                                                                               |

## Go ruta thuto ya sekolo sa Tshipi mo lapeng

O ka ipaakanya le go ruta thuto e jang

Re tswela ka go abalana maele a go ipaakanya le go ruta thuto e:

| Kgato | Tiriso                                                                                     |
|-------|--------------------------------------------------------------------------------------------|
| 7.    | Tlhaloganya maikaelelo a thuto a e leng gore ngwana wa gago o tshwanetse go a gakologelwa. |
| 8.    | Ruta ngwana wa gago thuto jaaka polelo, o ka nna wa bala.                                  |
| 9.    | Supegetsa ngwana wa gago setshwantso sa motshikinyego mme o soboke molaetsa.               |
| 10.   | Laela ngwana go dira tekeletso e mo lokwalong la gagwe la ikatiso                          |
| 11.   | Rapela, kana kopa ngwana wa gago go rapela go tswala thuto.                                |

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya SS 1.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng



# Thuto

|                           |                                                                                                                                 |
|---------------------------|---------------------------------------------------------------------------------------------------------------------------------|
| <b>Setlhogo</b>           | <b>Jeso o re ruta go rapela</b>                                                                                                 |
| <b>Temana</b>             | Ga gona temana                                                                                                                  |
| <b>Maikaelelo a thuto</b> | Bana ba ithuta gore Jeso o re rutile go rapela. Thapelo e botlhokwa, bana ba ithuta gore ba ka bolelela Morena sengwe le sengwe |

## Tshoboko ya thuto:

- Mo dithutong tse di fetileng re ithutile gore Jeso o re rutile go rapela Thapelo ya Morena mme ra rutwa go rapela ka metlha, tsatsijeno re tla ithuta go rapela ka mafoko a rona.
- Maitsebowa mangwe, Anne o ne a ipaakanyetsa go robala, mmaagwe a bo a tsena. Ba bua ka letsatsi le lentse le Anne a nnileng nalo, ka fa a tlhotseng a tshameka le ditsala tsa gagwe le ka fa a ratileng go nna le kotsi ya baesekele. Mosimanyana o ratile go mot hula, mme a kgona go ema ka nako.
- Mmaagwe Anne a mo kopa go rapela, gore a seka a ikgatholosa gore re kgona go ya go robala re itekanetse maitsebowa. mme, Anne, o ne a sa itse gore a bue eng jang. Mmaagwe a mmolelela gore gorapela ga go thata, a re o bua le Morena fela jaaka o bua le batsadi ba gago.
- Fa o simolola go rapela, o lebogela Modimo tsotlhe tse o batlang go di lebogela. Fa o sena go leboga Modimo, o ka bolelela Morena letlhoko la gago. Re seka ra ikakanya re le nosi fa re rapela; a re gopoleng le batho ba bangwe, sekai baruti, masika le ditsala le balwetse.
- Gape go botlhokwa gore re kope Modimo go khutshwafatsa nako go tla go re tseela gae.
- Thapelo ya Morena e botlhokwa fela thata. Jeso o rile re e rapele ka tlhaafalo e bile re dumela gore Modimo o a re utlwa o tla re thusa.
- Re rapele re le mo lifelong le le didimetseng, re khubame e bile re phuthile mabogo. Re ka rapela nako nngwe le nngwe e bile gongwe le gongwe, Rara wa legodimo o utlwa dithapelo tsa rona. Morago ga go utlwa se Anne o ne a simolola go rapela ka boene.

## Thuto e e re ruta eng?



- Modimo o utlwa dithapelo tsa rona fa re rapela ka tlhwaafalo.
- Thapelo e botlhokwa mo matshelong a rona ke tsela ya go bua le Rara wa legodimo.
- Re rapele fa go didimetseng re phuthile mabogo e bile re tswetse matlho.
- Re simolola Thapelo ka go leboga Modimo, e bo e le gone re buang letlhoko la rona le la ba bangwe.
- Re digela Thapelo ka gore “Moreka khutshwafatsa nako o tle go re tseela gae.”

**Gakologelwa gore go rapela malatsi otlhe go botlhokwa, re ka bolelela modimo sengwe le sengwe. Ka nako tsotlhe o rapele ka tlhwaafalo le ka nnete, Modimo o utlwa dithapelo tsa gago.**

### **Dipotso tse re ka di botsang:**

1. **Re lebogela Modimo eng mo dithapelong tsa rona?** A ngwana a arabe

**Karabo:** pabalelo, batsadi, bana ditsala masika le balwetse.)

2. **Re rapela leng?** A ngwana a arabe

**Karabo:** Re ka rapela nako nngwe le nngwe (Fa re tsoga, fa re robala, pele ga dijo)

#### **Thapelo ya ga mme le rre go e rapela pele ga thuto:**

*Modimo o rategang, ke lebogela letsasti le  
Segofatsa batsadi le bana botlhe  
Mma re ikutlwele boleng teng jwa gago  
Segofatsa thuto e re yang go e amogela  
Re kopa o re rute go go direla  
Re thuse go dira thato ya gago  
Gore re golele gaufi le wena  
Romela Jeso go tla go re tsaya  
Mme re bo re ipaakanyeditse go mo  
kgatlhantsha  
Amen*

Amen

#### **Thapelo morago ga thuto:**

*Rara wa legodimo, re lebogela pabalelo  
gonne ga re a bona kotsi fa re tshameka.  
Re fe boroko jo bo molemo le letsatsi le  
le siameng ka moso. Nthusa ko sekolong  
ke seka ka lwantsha ditsala tsa me. Nna  
le mme le rre ka nako tsotlhe. Segofatsa  
mo Apostolo yo mogolo, ba apostolo le  
baruti o ba babalele fa ba ntse ba  
tsamaya. Thusa bana ba gago bogolo  
jang ba ba lwalang. Tla ka pela o re  
tseele gae ka leina la ga Jeso. Amen.*

